

HOËRSKOOI JAN VAN RIEBEECK

Kloofstraat 129, TUINE, Kaapstad, 8001. Tel. nr.: 021 423-6347, Faks: 021 424-5520

ontvangs@janvanriebeek.co.za

Hierdie is die **GODSDIENSBELEID** soos goedgekeur deur die Beheerliggaam



Hierdie dokument is die godsdienstbeleid van en reëls vir godsdienstbeoefening by Hoërskool Jan van Riebeeck, soos die beheerliggaam dit goedgekeur het. Die godsdienstbeleid en -reëls erken die fundamentele waardes wat in die Grondwet van die Republiek van Suid-Afrika, 1996; die toepaslike bepalings van die Suid-Afrikaanse Skolewet 84 van 1996 ("die Skolewet"), en ander tersaaklike provinsiale wetgewing vervat word.

Artikel 15(1) van die Grondwet bepaal dat elke persoon die reg het op vryheid van gewete, godsdienst, denke, oortuiging en mening.

Artikel 15(2) bepaal voorts dat godsdienstbeoefening by staats- of staatsondersteunde instellings kan geskied, mits:

- (a) sodanige beoefening die reëls nakom wat deur die tersaaklike openbare owerheid neergelê is;
- (b) dit op 'n billike grondslag geskied; en
- (c) bywoning daarvan vry en vrywillig is.

Hoërskool Jan van Riebeeck erken dat (a) bogenoemde regte nie absoluut is nie en deur artikel 36 van die Grondwet beperk kan word, en (b) sodanige regte inderdaad beperk is deur 'n hofbevel wat dit as strydig met artikel 7 van die Skolewet verklaar het vir 'n openbare skool om (i) die skool te bevorder of deur sy personeel te laat bevorder as 'n instansie wat 'n enkele of hoofsaaklike 'n enkele godsdienst tot uitsluiting van 'n ander aanhang, en (ii) hom uit te gee as 'n instansie wat die belange van enige bepaalde godsdienst bo 'n ander bevorder.¹

¹Organisasie vir Godsdienste-onderrig en Demokrasie v Laerskool Randhart and others (Gauteng High Court case no. 29847/14)

Daarbenewens erken die skool dat regters van die Hooggeregshof soos volg bevind het:

- “(F)or equitable offerings ... education authorities (should) ... allow schools to offer the prayers that may be most appropriate for a particular school, to have that decision taken in an equitable manner applicable to all schools, and to oblige them to do so in a way which does not give rise to indirect coercion of the ‘non-believers’...
- Requiring that government act even-handedly does not demand a commitment to a scrupulous secularism, or a commitment to complete neutrality (F)or example, in the context of religious observances at local schools, the requirement of equity may dictate that the religious observances held should reflect, if possible, the religious beliefs of that particular community or group.”

Hoewel die Nasionale Godsdienstbeleid nie-bindend is, het die skool die inhoud daarvan in ag geneem in die ontwikkeling van hierdie skoolspesifieke beleid en reëls.

Artikel 7 van die Suid-Afrikaanse Skolewet verleen aan die beheerliggaam die mag om die reëls ingevolge waarvan godsdienstbeoefening moet geskied, te bepaal. Hierdie mag is onderhewig aan die Grondwet en enige ander toepaslike provinsiale wetgewing. Godsdienstbeoefening moet op 'n gelyke grondslag geskied, en opvoeders en leerders se bywoning moet vrywillig wees.

Op grond van bogenoemde het die beheerliggaam van Hoërskool Jan van Riebeeck hierdie godsdienstbeleid en reëls met behoorlike inagneming van die godsdienstige samestelling van die skool en die praktiese uitvoerbaarheid van voorsiening vir verskillende geloofsgemeenskappe saamgestel.

Die skool verwelkom alle leerders, ongeag hulle individuele godsdienstige oortuigings, en sal geleentheid probeer skep vir die beoefening van sodanige oortuigings op alle redelike tye, hetsy as 'n groep of op 'n individuele grondslag, soos die vereistes of die bywoning van godsdienstbeoefening buite die skool.

Hoërskool Jan van Riebeeck onderneem om toe te sien dat elke verteenwoordigende godsdiens by die skool op gelyke grondslag hanteer en godsdienstige diversiteit bevorder word.

Woordomsrywings

‘Godsdiens’ – verwys na die omvattende en fundamentele oriëntasies in die wêreld, met bepaalde verwysing na heilige, spirituele en niesekeulêre oortuigings; vereis toewyding; sluit georganiseerde vorme van geloof en sekere wêreldbeskouinge in, en word ook kollektief gebruik om na daardie organisasies te verwys wat opgerig is ten einde hierdie oortuigings te beskerm en te bevorder.

‘Godsdiensteonderrig’ – verwys na ’n kurrikulêre program met duidelike en ouderdomsverwante opvoedkundige doelwitte wat vir die onderrig en leer van godsdiens, godsdienste en godsdienstige diversiteit in Suid-Afrika en die wêreld deur die Departement van Onderwys voorgeskryf word. Die studie van godsdiens moet ten doel hê om herkenbare opvoedkundige doelwitte te bereik wat in ooreenstemming is met die doelwitte en uitkomst van ander leerareas, en programme in Godsdiensteonderrig moet, soos ander leerareas in die kurrikulum, tot die ontwikkeling van grondliggende waarnemings-, luister-, lees-, skryf- en denkvaardighede bydra.

‘Godsdiensonderrig’ verwys na ’n program met inligting oor ’n bepaalde godsdiens wat ten doel het om navolging van daardie bepaalde godsdiens te bevorder. Die beheerliggaam beskou die huisgesin en geloofsgemeenskap as die hoofvoorsieners van godsdiensonderrig. Die skool is ’n opvoedkundige instelling wat nie een godsdiens bo ’n ander bevorder nie, en dus maak godsdiensonderrig nie deel uit van die formele skoolprogram nie. Die skool sal egter wél sy geriewe vir sodanige programme beskikbaar stel, met dien verstande dat godsdiensonderrig nie met die formele opvoedkundige doelwitte van die skool inmeng nie.

‘Godsdiensbeoefening’ – dui op daardie aktiwiteite of optrede wat aan die waardes van ’n bepaalde geloof of oortuiging uiting gee, en sluit onder andere bidure, voorlesing uit heilige geskrifte, kleredrag en diëte in. Godsdiensbeoefening op die volgende maniere geskied:

- Vrywillige, openbare geleentheid waar die skool se geriewe vir die doel van godsdiensbeoefening gebruik word
- Vrywillige geleentheid (in skooltyd) deur die skoolgemeenskap (leerders en opvoeders)
- Vrywillige geleentheid in gewone of ander pouses by die skool

Godsdienstbeoefening

Omdat Hoërskool Jan van Riebeeck die waardes in die Handves van Regte erken en eerbiedig, verseker die beheerliggaam dat die beoefening van alle godsdienste gerespekteer en so ver redelikerwys uitvoerbaar op 'n gelyke grondslag voorvoorsiening gemaak sal word.

Godsdienstbeoefening sal sodanig geskied sonder dat daar enige beïnvloeding plaasvind van leerders van ander godsdienstige oortuigings. Die skool sal so ver dit redelikerwys uitvoerbaar is begrip en respek vir godsdienstige diversiteit bevorder en uitbou.

Opvoeders en leerders sal georganiseerde godsdienstbeoefening byeenkomste by die skool vrywillig kan bywoon. Die skool sal opvoeders of leerders geensins verplig om aan godsdienstige aktiwiteite deel te neem nie. Alternatiewe reëlings sal getref word vir toesig oor leerders wat nie die godsdienstbeoefening wil bywoon wat vir godsdienstige groeperinge aangebied word nie.

Godsdienste-onderrig sal ooreenkomstig die Nasionale Beleid oor Godsdienst Onderwys geskied. Dié onderrig maak deel uit van die leerarea Lewensoriëntering. Die skool neem kennis dat die kurrikulum sy leerders aan ál die vernaamste godsdienste in Suid-Afrika blootstel.

Geen opvoeder sal verplig word om godsdienste-onderrig te gee nie.

Hoërskool Jan vna Riebeeck sal sy geriewe vir godsdienstbeoefening deur enige verteenwoordigende geloofsgroep in die skool beskikbaar stel. Sodanige beoefening mag slegs geskied terwyl ander godsdienstbeoefening ooreenkomstig die

godsdienstebeleid plaasvind. Geen godsdienstebeoefening mag op die formele opvoedkundige doelwitte van die skool inbreuk maak nie, en alle godsdienstebeoefening is onderworpe aan voorwaardes wat die beheerliggaam kan opleë.

Deelname en klagtes

Die Beheerliggaam nooi alle leerders en hulle ouers om die skoolhoof of die beheerliggaam te raadpleeg indien geen voorsiening gemaak word vir die beoefening van hulle spesifieke godsdienstige oortuigings in die skool nie. Die skoolbeheerliggaam sal so ver dit prakties uitvoerbaar is geriewe en geleenthede voorsien vir die beoefening van hierdie godsdienstige praktyke in dieselfde mate as dié wat vir ander godsdienste by die skool voorsien word. Die vasstelling van sodanige geleenthede sal geskied in oorleg met daardie leerders, ouers en die godsdienstige gemeenskappe waartoe hulle behoort.

Leerders en hul ouers word daarop gewys dat in terme van artikel 26 van die gedragskode van Hoërskool Jan van Riebeeck, aansoek gedoen mag word om vrystelling van die bepalings van die skool se gedragskode op godsdienstige en kulturele gronde. Die volledige vereistes vir sodanige aansoek word in gemelde artikel 26 van die gedragskode van Hoërskool Jan van Riebeeck uiteengesit.